

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

Broj: 02-11-4- 151 /22

Datum: 07.01.2022.godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 10. stav 1. tačka d), člana 18. stav (2), Zakona o javnim nabavkama („Službeni glasnik Bosne i Hercegovine”, broj 39/14) policijski komesar Uprave policije Ministarstva unutrašnjih poslova, d o n o s i:

ODLUKU o izuzeću od primjene Zakona o javnim nabavkama

I

Od primjene Zakona o javnim nabavkama BiH izuzimaju se nabavke usluga registracije motornih vozila, procjenjena vrijednost 17.000,00 KM bez PDV-a.

II

Sredstva za nabavku usluga iz člana I ove odluke osiguravaju se na osnovu Odluke Skupštine Kantona Sarajevo o privremenom finansiranju potreba Kantona Sarajevo za period od 01.01.2022. godine do 31.03.2022. godine („Službene novine KS”, broj: 52/21) i Dokumenta okvirnog budžeta Kantona Sarajevo za period 2022. – 2024. godine, razdjel 17 – MUP, glava 02 – Uprava policije.

III

Ova odluka stupa na snagu danom donošenja i bit će objavljena na službenoj stranici Ministarstva unutrašnjih poslova Kantona Sarajevo.

O b r a z l o ž e n j e

Odredbama Zakona o osnovama bezbjednosti saobraćaja na putevima u BiH („Službeni glasnik BiH”, broj 6/06, 75/06, 44/07, 84/09, 48/10, 18/13, 8/17 i 9/18) i Pravilnika o registrovanju vozila BiH („Službeni glasnik BiH”, broj: 69/09, 29/20 i 9/21), propisano je da su za registraciju vozila nadležni samo organi za unutrašnje poslove. Na osnovu pomenutih propisa, za registraciju vozila, izdavanje saobraćajne dozvole, registarskih tablica i registracione naljepnice u Federaciji BiH nadležna su kantonalna ministarstva unutrašnjih poslova. Ovdje se podrazumijevaju sve naknade i takse propisane pozitivnim pravnim propisima bilo kojeg nivoa. Uredbom o visini godišnje naknade za javne ceste koja se plaća pri registraciji motornih i priključnih vozila („Službene novine FBiH”, broj: 9/16) propisana je obaveza plaćanja naknada Javnom preduzeću Ceste FBiH, Uredbom o posebnim naknadama za okoliš koje se plaćaju pri registraciji motornih vozila FBiH („Službene novine FBiH”, broj: 14/11 i 26/11) predviđena je obaveza plaćanja naknade Fondu za zaštitu okoliša FBiH, zatim Pravilnikom o načinu obračunavanja, postupku, rokovima za obračunavanje i plaćanje i kontroli izmirivanja obaveza na osnovu opće vodne naknade i posebnih vodnih naknada („Službene novine FBiH”, broj: 92/07, 46/09, 79/11 i 88/12) predviđena je obaveza plaćanja vodnih naknada. Zakonom o administrativnim taksama („Službene novine KS”, broj: 30/01 i 22/02) propisana je obaveza plaćanja taksi prema budžetskim korisnicima i visina taksi.


Obzirom da za predmet javne nabavke naveden u članu I ove odluke, tržište za vršenje navedenih usluga nije otvoreno za konkurenciju i da se navedeni predmet javne nabavke može nabaviti isključivo od dobavljača koji su zakonom određeni, te u skladu sa naprijed navedenim ispunjeni su

uslovi za izuzeće od primjene Zakona o javnim nabavkama BiH („Službeni glasnik BiH“ broj 39/14) u skladu sa članom 10. stav 1. tačka d).

Dostaviti:

1. Sektoru za materijalno finansijske poslove
2. Odjeljenju za odnose s javnošću, radi objave na web stranici ovog organa
3. a/a

POLICIJSKI KOMESAR
Generalni inspektor policije



Nusret Selimović